

La vita di sanc: ai 17 de setëmbel recordunse **Santa Hildegard von Bingen**, nasciüda l'ann 1098 dlungia Mainz ti Païsc Todësc. Ala à fondé le convënt dles beneditines a Eibingen dlungia Rüdesheim. Scebëgn ch'ala è malsana, rodála incërch a pordiché la penitënza. Nia mã jënt scëmpla cinamai resc, vëschi y proi gnò a damané dô consëis y dô aiüt. Ala è doturia y scrituria y porvâ de varî cum erbes da medejina. Sù scric é dër conesciüs y indò dër aprijà dala medejina aldedaincö. Ala é morta ai 17.09.1179 sön Rupertsberg, olache ala é ince supulida.

Union dles porsones vëdues y soles dla Val Badia: ses düc dër bel invià a tò pert al pelegrinaje a Weissenstein in jöbia, ai 26.09.2019. An pëia ia da Calfosch dales 07.15 y da Corvara dales 07.20. Pausa söl iade a Lanz. Dales 11.45 s.mëssa tl santuar de S.Maria zebrada da Siur Iaco Willeit. Dales 12.30 marëna tl Hotel Weber. Dales 15.00 pëiun ia cuntra ciasa. Dales 17.00 picera marëna al Brunnerhof. L'iade, la marëna y la picera marëna costa € 50,00. Prëitanbel anunziësse dan dai 20.09.2019 pro la reprejantanta dl païsc o al nr. de telefonn 0474-590069.

Curs de ingleje: le KWV de Badia organisëia cursc serai de ingleje cun Lalena Stull te biblioteca a Pedraces: por **progredis** che mët man ai 22 de setëmbel y por **chi che sà bel n püch** che mët man ai 23 de setëmbel. Infos y prenotaziuns pro Cristina al nr. 333 1591599.

Le Sorvisc ai Jogn Val Badia lascia alsavëi che al é indo la poscibilitè da gni a se do les **fotografies de düc i proiec da d'isté** (Istè deboriada, Cool & My summer, Musical, Gardaland by night y Multisport) tal ufize dal SaJ a Picolin. I periun da se tò para en stik. Por chi che nun á nia, él ince la poscibilitè da nun cumpré un te SaJ al cost de € 5,00. Les fotografies é debann! (orar d'ufize: dal lönesc ala jöbia dales 8.00 ales 12.00). Implò lasciunse alsavëi che tratan les edemes de Multisport a La Ila él gnü **dejmuncé deplü quant** (cialzà, cialzines, na felpa y na tascia da ginnastica da möt) y **ince na roda**. Chi che ess da avëi mancia valch, é peries da cherdé sö te Saj al numer 0474523070.

S.Mëssa a Oies: dal 17 de setëmbel inant sará sëgn la messa a Oies vigni de (dal mertesc ala domënia) dales 16:00.

La biblioteca Sas dla Crusc inviëia en vëndres ai 20 de setëmbel dales 16:00 a La Ila scolares y scolars, che á tut pert al'aziun da d'isté, da gni ala festa de conclujun cun Priska Weber (al sará ince la ola dla fortuna). Se aspetun!

"L'Union Maestri Ladins adöm al'Unité Pastorala Val Badia inviëia dër bel düc a n domisde de spiritualité, cultura y aorela cörta en vëndres, ai 20 de setëmbel. I s'incuntun dales 15.00 h dan la **dljia da La Val** por jí tres le tru de meditaziun cina sö Santa Berbora olache al sará na picia reflesciun sön les "Beatitudini" cun Christian Ferdigg. Dedò junse a Ciablun por na picia aorela cörta cun panicia, tutres y cajinci. Le cost è de 15,00Euro. Prëibel se prenoté **cina ai 15 de setëmbel** pro Inge al nr 339 1696311"

Curs de ladin por chic he sà bele n püch: dai 30 de setëmbel ai 25 de novëmbel vigni lünesc dales 19.30 ales 21.00 te Istitut Ladin a San Martin de Tor. Informaziuns al nr. 0474-523110 o formaziun.vb@micura.it.

Plü cualité de vita da s'la rí : sc'an pó n pü' s'la rí se stán plü saurí y döt é plü bel. La referënta y psicologa dr.a Antonietta Mastrandrea spigará coch'an pó miore la cualité de vita ma da s'la rí n pü' deplü. S'la rí pó de chësc vers ince ester na sort de terapia cuntra de vigni sort de mai. La sëra d'informaziun vëgn tignida tla scora mesana da La Ila, la jöbia ai 19 de setëmbel, dales 20.00.

Le Museum Ladin Ciastel de Tor invëia dër bel ala daurida dla mostra „Trienala Ladina 2019“ ai 20 de setëmbel 2019 dales 19 tla sënta a San Martin. Tla mostra él da odëi operes di artisc Annatina Dermont, Yvonne Gienal, Karin Schmuck, Claus Soraperra, Tobias Tavella y Michael Schrottenthaler. La mostra restará daverta ti orars de daurida dl museum fina ai 24.05.2020



Plata dla Ploania

UNITÉ PASTORALA

Corvara
S. Tarina y Cör de Gejú
Calfosch
San Vighile y S. Michil



Ploan: Siur Andreas Perathoner
Calonia Corvara: 0471/836134
Radio dla Ploania: 93,30 Mhz

www.unitepastorala.org

Ann "C" 15.09. – 22.09.2019 XXIV. Dumënia dl'ann n. 42

Dio è instancabile nelle ricerca dell'uomo.



Dio cerca colui al quale passiamo da vantì con fredda disattenzione.

Cerca colui che incrociamo con occhi sprezzanti, o contro il quale puntiamo il dito.

Cerca colui che noi giudichiamo perso irrimediabilmente.

Dio guarda chi noi non guradiamo ed è là dove noi non ci siamo o non stiamo volentieri.

Perchè ogni uomo è un tassello del paradiso.

Impressum: Ploania Corvara-Callfosch – Redaziun: Zingerle Cristina

Comunicaziuns: cina al mercui sëra a Zingerle Cristina info@pensionvittoria.com

Download: plata: www.valbadiaonline.it/comunita/ploa/es/ploanies/ploania-corvara.html

S. Mësses a Corvara

- 15.09.2019** **Dumënia–Domenica–Sonntag – XXIV. Dumënia dl’ann**
Luca 15, 1-32 10,00 S.Mëssa pur la Comunità.
S.Mëssa de ringraziament pur la fam. Bassot.
S.Mëssa pur def.to Fabio Mitterhofer.
S.Mëssa pur def.ti Luigi y Cristina Pederiva.
S.Mëssa pur def.ti Gustin y Hilda.
S.Mëssa pur def.to Franz Piccolruaz.
18,30 S.Mëssa pur def.ta Luigia Bernard – Agreiter.
S.Mëssa pur def.ti Pire, Teresa y Giovanni Crazzolar.
- 16.09.2019** **Lünesc – Lunedì – Montag**
18,30 S.Mëssa pur def.tes Maria, Margherita y Anna.
S.Mëssa pur def.to Siegfried Pezzedi.
S.Mëssa pur def.ti Francesca y Carlo Piccolruaz.
S.Mëssa pur def.to Rudi Granruaz.
- 20.09.2019** **Vëindres – Venerdì – Freitag**
18,30 Degüna S.Mëssa.
- 22.09.2019** **Dumënia–Domenica–Sonntag – XXV. Dumënia dl’ann**
Luca 16,1-13 10,00 S.Mëssa pur la Comunità.
S.Mëssa dl’ann pur def.to Konrad Pescosta.
S.Mëssa pur def.ti Sandro y Clara Pescosta.
S.Mëssa pur def.ti Paolo y Anna Pedevilla.
S.Mëssa pur def.ti Francesco, Placido y Luigia Rottonara.
11,15 BATO de *Margherita Crepaz*.
14,00 VIA CRUCIS da Pescosta a Calfosch.
18,30 S.Mëssa pur def.tes Maria y Luigia Rottonara.
S.Mëssa pur def.ti Siur Heinrich Videsott y Siur Angel Complojer.



Via Crucis da Pescosta a Calfosch : in dumënia, ai 22 de setëmbër dales 14.00 vëgnel organisé dai omi de trames les ploanies la Via Crucis da Pescosta a Calfosch. Düc é dër bel invià a tò pert, ince i crejimandi y jogn.

In vëindres, ai 20 de setëmbër: ne saral degüna s.mëssa a gauja dl’ajornamënt pastoral tl Vinzentinium. L program gnarà mettü fora te bacheca. Düc i interescià é invià a tò pert.

Incuntada «Liturgia con bambini»: in lünesc, ai 16 de setëmbër dales 13.00 se incunta te calonia l grup «Liturgia con bambini». Düc i interescià é invià a tò pert.

Festa di iubilars de matrimone: in dumënia, ai 07 de otober dales 10.00 é la festa di iubilars de matrimone. Chi che é 25, 30, 35, 40, 45, 50 y plö agn maridà é perià bel da portè na fotografia cina ai 23 de setëmbër te sacrestia o te calonia: präibel scriede sö i inoms y i agn de matrimone, giulan.

Edema dla fede: dai 19 ai 26 de otober é l’edema dla fede:»Dauri ödli y cör ala fede». L program gnarà ciamò comuniché.

S. Mësses a Calfosch

- 15.09.2019** **Dumënia–Domenica–Sonntag– XXIV. Dumënia dl’ann**
Luca 15,1 - 32 08,30 S.Mëssa pur la Comunità.
S.Mëssa pur def.ti Ludwig y Maria Alfarei.
S.Mëssa pur def.to Giuvani Costa.
S.Mëssa pur def.to Angelo Schrott.
S.Mëssa dl’ann pur def.ti Doris y Gustin Alfreider.
- 17.09.2019** **Mertesc - Martedì – Dienstag**
17,00 S.Mëssa pur def.ti Rita y Vighile Mersa.
S.Mëssa pur def.to Pire Pescosta.
- 18.09.2019** **Mercui – Mercoledì – Mittwoch**
17,00 S.Mëssa pur def.ta Olga Kostner – Zingerle.
S.Mëssa ad intenziun dla fam. Erlacher.
- 21.09.2019** **Sabeda – Sabato – Samstag**
17,00 Prüma S.Mëssa dla XXV. Dumënia dl’ann:
S.Mëssa pur vîs y def.ti dla fam. Posch – Pescosta.
S.Mëssa pur def.ti Karlheinz, Angelo y Tarina.
S.Mëssa dl’ann pur def.to Maurizio Fornasaro.
S.Mëssa dl’ann pur def.to Paul Pescosta.
S.Mëssa dl’ann pur def.ta Celestina Oberbacher.
- 22.09.2019** **Dumënia – Domenica – Sonntag – XXV. Dumënia dl’ann**
Luca 16,1-13 08,30 S.Mëssa pur la Comunità.
S.Mëssa pur def.ti Anton y Antonia Unterhofer.
S.Mëssa pur def.to Franz Mersa, Sorà.
S.Mëssa pur def.to Giovanni Costa.
S.Mëssa dl’ann pur def.to Carlo Pitscheider.
14,00 VIA CRUCIS da Pescosta a Calfosch.



La lüm eucaristica vërd dô intenziun dla fam. Steinmann.

Via Crucis da Pescosta a Calfosch : in dumënia, ai 22 de setëmbër dales 14.00 vëgnel organisé dai omi de trames les ploanies la Via Crucis da Pescosta a Calfosch. Düc é dër bel invià a tò pert, ince i crejimandi y jogn.

In vëindres, ai 20 de setëmbër: ne saral degüna s.mëssa a gauja dl’ajornamënt pastoral tl Vinzentinium. L program gnarà mettü fora te bacheca. Düc i interescià é invià a tò pert.

Edema dla fede: dai 19 ai 26 de otober é l’edema dla fede:»Dauri ödli y cör ala fede». L program gnarà ciamò comuniché.

Festa di 600 dla dljia da Calfosch – presentaziun dl liber: in vëindres, ai 20 de setëmbër dales 20.00 tl salf dla ciasa dles uniuns presentaziun dl liber di 600 agn dla dljia da Calfosch. Reladù: Werner Pescosta, cornisc musicala: ProVoXis. Al gnarà ince premié chi che à fat dërt l quiz. Al gnarà mustre i dessëgn di mituns.

Festa di 600 dla dljia da Calfosch – quiz: sce zacai ne à nia ciafè l sföi, pol s’l tò jö da pé de dljia. La plata ghela compilada é da dè jö te cassëta te dljia cina ai 15 de setëmbër.

Festa di 600 dla dljia da Calfosch – concurs de dessëgn pur mituns dla scolina, scola elementara y mesana cun l tema « Chësta é mia dljia ». ciarede de tò pert y dede jö i dessëgn cina ai 26 de setëmbër 2019 te sacrestia. I dessëgn gnarà tacà sö in l gra festa de iubilèum ai 29.09.2019. Vigni partezipant ciafarà n pest.

Festa di iubilars de matrimone: in dumënia, ai 13 de otober dales 08.30 é la festa di iubilars de matrimone. Chi che é 25, 30, 35, 40, 45, 50 y plö agn maridà é perià bel da portè na fotografia cina ai 23 de setëmbër te sacrestia o te calonia: präibel scriede sö i inoms y i agn de matrimone, giulan.